

к России и его прогрессивные последствия в области экономики и культуры», безусловно восполняет пробел в советской историографии.

Эм. ТЕР-АКОПЯН, М. ИСМАИЛОВ

ՆԱՄԱԿ ԽՄԲԱԳՐՈՒԹՅԱՆԸ

Միանգամայն ուրախալի է, որ «Տեղեկագրի» խմբագրությունը 1956 թ. № 11-ում տպագրել է հուլերի 1921 թ. դաշնականների կողմից էջմիածնում բանտարկված ընկերների և էջմիածնում տեղի ունեցած կոիվների մասին: Սակայն ընկ. Արշ. Խաչատրյանի հիշողությունների մեջ սպորդել են սխալներ, որոնց մասին անհրաժեշտ էմ համարում տեղեկացնել Ձեզ մի երկու խոսքով:

Ձեր հրապարակած հիշողության մեջ ասված է. «Դաշնականների ուղադրության և հարձակման հիմնական օբյեկտը լինում է Չեկայի (Արտակարգ հանձնաժողովի) շենքը, որը խիստ դիմադրություն է ցույց տալիս ու մի քանի անգամ ետ շարտում դաշնականների հարձակումը՝ նրանց պատճառելով մեծ կորուստներ: Այդ անհավասար մարտերում ընկնում են էջմիածնի Արտակարգ հանձնաժողովի նախագահ, Մայիսյան ապստամբության ակտիվ մասնակից Նավասարդյանը»:

Այս հատվածում ամեն ինչ ճիշտ է ասված, բացի երկու մոմենտից: Էջմիածնի Արտակարգ հանձնաժողովի նախագահ էր ոչ թե Նավասարդյանը, այլ Լևոն Նալբանդյանը: Վերջինս ոչ թե սպանվել է վերը նկարագրված կոլի ժամանակ, այլ Նիկայ Ենգիբարյանի և տողերիս գրողի հետ միասին՝ ճեղքել է դաշնականների շրջապատումը և դուրս եկել էջմիածնից: Ինչպես պատմում է ընկեր Ենգիբարյանը, Լևոն Նալբանդյանին դաշնականները ձերբակալել և զնդակահարել են Երևանում: Այդ պատճառով էլ Լևոն Նալբանդյանի անունը չկա Ձեր տպագրած հոդվածի այն մասում, ուր թվարկված են էջմիածնում զնդակահարված կոմունիստները: Լևոն Նալբանդյանը, իրոք, ակտիվ կերպով մասնակցել էր Մայիսյան ապստամբությանը Սարիղամիշում և, իբրև կոմունիստ, 1920 թ. բանտարկվել էր դաշնակցականների բանտում:

Արշ. Խաչատրյանի հիշողություններում ասված է նաև, որ «Դաշնակ ավանտյուրիստները, համախմբվելով Արագածի լեռնալանջի սառույցի գաղթականների գյուղերում, Ս. Վրացյանի գլխավորությամբ, նախապատրաստել էին դինված ավանտյուրա և փետրվարի 17-ին հարձակվել էջմիածնի վրա»:

Ճիշտ է, որ փետրվարյան բանդիտական արկածախնդրության հրահրողն ու կազմակերպիչը հայ ժողովրդի ոխերիմ թշնամիներն էին՝ Վրացյանը և ուրիշները: Բայց ստացվում է այն տպավորությունը, թե էջմիածնի վրա հարձակվող ավազակախմբի անմիջական խմբապետը եղել է Վրացյանը:

Սակայն էջմիածնի վրա, փետրվարի 17-ի ցերեկվա ժամը 12-ին մոտ, հարձակում կատարեցին խմբապետ Կարո Սասունու բանդիտները: Մեզ՝ թվով 14—15 մարդու, էջմիածնի Արտակարգ հանձնաժողովի շենքում, հանկարծակի շրջապատեց նրա ոհմակը, ձիավորների բավական մեծ, բայց խառնիճաղանձ ամբոխով: Մեզ հաջողվեց ոչ միայն հետ մղել նրանց հարձակումները մեր շենքի վրա, այլև դուրս գալ շենքից, դիրքեր բռնել էջմիածնի հրապարակում (ներկայիս ռայկոմի և ռայգործկոմի շենքի դիմաց), մի շարք անգամներ ետ մղել նրանց հեծելազորային զորհները տարբեր փողոցներից:

Այդ կովի մի քանի մոմենտները ես նկարագրել եմ «Առաջին կոմունարը» վերնագիրը կրող իմ հուշերի մեջ, որը 1925 թ. լույս տեսավ «Դշխատանք» ամսագրում և առանձին բրոշյուրով: Այնտեղ հիշատակված է նաև Լևոն Նալբանդյանի և Նիկայ Ենգիբարյանի մասին: Այդ օրը, իրոք, յավական կորուստներ ունեցավ Կարո Սասունու ավազակախումբը, կոչվում մեր ընկերներից սպանվեց միմիայն մեկը, բայց ոչ Նավասարդյանը: Ըստ երևույթին ընկ. Արշ. Խաչատրյանին թյուրիմացության մեջ է ձգել Նավասարդ Նավասարդյանի անունը, որ հիշատակված է էջմիածնում զնդակահարված 15 ընկերների անվանացուցակում:

Քանի որ առիթ է ներկայացել (այդ մասին մամուլում, ինչքան հիշում եմ, չի գրված), կարծում եմ, արժե հիշատակել, որ փետրվարի 17-ին էջմիածնում, դաշնակ ավազակախմբերի ղեմ կոիվ էր տեղի ունենում ոչ միայն Արտակարգ հանձնաժողովի շենքի շուրջը, այլև Հոփ-սիմեի վանքի մոտ:

Խնդիրն այն է, որ փետրվարի 17-ին դաշնակցական բանդաները առաջին հերթին ներ-

խուժել էին Փարաքար, կտրել էջմիածնի հեռախոսային կապը Երևանի հետ, և մերոնք սպասում էին, թե հարձակում կարող է լինել Փարաքարի կողմից, ուստի կոմունարների մի մասը համախառմված էր Հռիփսիմեի վանքի մոտ:

Այդ մասին, մենք, Արտակարգ հանձնաժողովի մոտ շրջապատվածներս, կարող էինք դատել միայն թնդանոթաձգությունից ու գնդացրային կրակից, որ տեղի էր ունենում Հռիփսիմեի վանքի կողմերում: Այդտեղ էին գտնվում Դավկոմի (Կավառային կոմիտեի) քարտուղար ընկ. Կ. Այվազյանը, Դավգործկոմի նախագահ Ս. Լալայանը, քաղաքի կոմիտեի Լապիշեսկին (Ժագումով լեհ), Արել Շիրինյանը և շատ ուրիշները, կարմիրքանակային համապատասխան զորամասով, որի մեջ էր գտնվում, ինչպես պարզվեց վերջերս, նաև ներկայիս գեներալ մայոր, Ծովետական Միության Հերոս Ասքանազ Կարապետյանը: Չկարողանալով գիմարել թվով գերազանց ուժերին և ունենալով փոխադրական միջոցներ, Հռիփսիմեի մոտ կռվող ընկերները հետևեցին քաղվում գեպի Երևան, ճեղքելով Փարաքարում նրանց դիմադրող դաշնակցական բանդան:

Տեսնելով, որ Հռիփսիմեի շրջանում արդեն դադարեց հրաձգությունը, իսկ մեզ վրա տարբեր փողոցներից (Աշտարակի, բանտի փողոցից և այլն) գրոհող բանդաները դադարեցրին իրենց գրոհները և փողոցից փողոց անցնելով դիրքեր են բռնում վերևում նշած հրապարակը դուրս եկող քուրդ փողոցների ծայրերին, խտացնում են իրենց օղակը մեկ աննախնայի վիճակի մեջ ձգելու համար, ու արդեն մեր դեմ կրակ են տեղում էջմիածինը շրջապատող բարձր կավե պարիսպներից, և ետև նախադրյանի գլխավորությամբ՝ մենք սկսեցինք հետ քաշվել դեպի Երևանի խճուղին՝ դրությունը պարզելու և Հռիփսիմեի շրջանում գտնվող մեր ընկերներին լիանալու համար:

Սակայն, հասնելով ճեմարանի շենքին, նկատեցինք, որ Երևանի խճուղուց դեպի մեզ է շարժվում մի բազմություն: Այդ դաշնակցական բանդաներն էին, որ Հռիփսիմեի շրջանում մերոնց դիմադրությունը բնշելուց հետո գալիս էին դեպի մեր հրապարակը: Այլևս դիմադրելն անհնարին էր և մեր վերջնական շրջապատումն անխուսափելի: Մենք նետվեցինք ճեմարանի բակը, ցատկեցինք էջմիածնի կավաշեն պարիսպներից և դուրս եկանք դաշտ, որ պատած էր խոր ու դժվարանցանելի ձյունով:

— Մնում է՝ միայն դեպի Երևան, — ասաց նախադրյանը, — բայց ինչպե՞ս...

— Ես ճանապարհը գիտեմ, — ասաց Նիկալ Ենգիբարյանը, — առանց Փարաքար մտնելու ձեզ դուրս կբերեմ Երևան:

Հաղթանդամ, խիզախ, արտակարգ ֆիզիկական ուժի տեր էր Նիկալ Ենգիբարյանը, որ ցույց էր տվել վճռականություն նաև էջմիածնի հրապարակի մարտում: Մենք գիտեինք Նիկալին իր շիտակ ու ազնիվ բնավորությամբ: Ենգիբարյանն աչքի էր ընկել որպես Արտակարգ հանձնաժողովի աշխատակից նաև դաշնակների ավանտյուրան սկսվելուց մի փոքր առաջ. դաշնակները երեք բանդիտների ուղարկել էին էջմիածին՝ Դավառային կոմիտեի քարտուղար Կ. Այվազյանին և մի քանի պատասխանատու աշխատողների տեղորոշի ենթարկելու համար:

Ընկեր Ենգիբարյանն այժմ ապրում է Երևանում:

Այս երկտողով ես ցանկանում եմ միայն պարզաբանել ընկ. Խաչատրյանի հիշողության մեջ փաստական կողմը և կատարել մի երկու լրացում:

Գ. ԱՐՈՎ

Խմբագրության կողմից. Ընկ. Արովի նամակը ճշտում է ընկ. Խաչատրյանի հոդվածում բերված տվյալները, ուղղություն գործիչ՝ և ետև նախադրյանի վերաբերյալ: